

خَطِ پوئسِ بَلَدِه تَيْسُ

دُعا و سلام

۱ از طرفِ پوئس، غُلامِ خُدا و رَسولِ عيسیٰ مَسِيح. ما بَلَدِه تقويه ايمانِ اِنْتِخابِ شُدِه های خُدا و بَلَدِه بيانِ امزُو حَقِيقتِ که دَ خُداپرستی و جُودِ دَرِه، رَبِي شُدِیم. ۲ اِي حَقِيقتِ بَلَدِه زِنْدَگی اَبَدِي اُمید مِيدِيه، چُون خُدا که دروغِ نَمُوگِه، وَعَدِه زِنْدَگی اَبَدِي رِه پيش از شُرُوعِ دُنیا دَر مودَد. ۳ اُو کلامِ خُو رِه دَ وختِ مُعَيَّنِ بَر مَلا کَد. اَرِي، تَبليغِ کَدونِ امزِي کلامِ دَ حُکمِ خُدا که نِجاتِ دِهِنْدِه مَو اَسْتِه دَ عَهْدِه ازمِه ايشْتِه شُد. ۴ بَلَدِه تَيْسُ باچِه حَقِيقتِي مِه دَ وَسِيْلِه ايمانِي که هَر دُوي مَو دَرُو شَرِيکِ اَسْتِي: فَيضُ و سَلامَتِي از طرفِ آتِه مَو خُدا و نِجاتِ دِهِنْدِه مَو مَسِيحِ عيسیٰ نَصيبِ تُو شَنِه.

وَضِيْفِه تَيْسُ

۵ تُو رِه امزِي خَاطِرِ دَ جَزيرِه كَرِيْتِ ايشْتَمِ تا که كارايِ باقِي مَندِه رِه پيشِ بُرْدِه نَظْمِ رِه بَر قَرار كُنِي، يَعمَنِي اَمُو رَقْمِ که بَلَدِه تُو دَسْتُورِ دَدِه بُوَدُم، دَ هَر شَارِ دَ بَيْنِ ايماندارا رَهبرا رِه تَعيينِ كُو. ۶ هَر كُدَمِ ازوا بايد شَخْصِ بِي عَيْبِ، تَنها شُوي يَگِ خَا تُو و صَا حِبِ بَچَكِيچايِ ايماندارِ بَشِه و اَمُو بَچَكِيچا دَ بِي بَندوباري و سَر كَشِي مَلامَتِ نَشُدِه بَشِه. ۷ سَر پَرَسْتِ جَماعتِ بايد شَخْصِ بِي عَيْبِ بَشِه، چَرَا که مَسْئُولِ كارِ خُدا يَه. اُو بايد خُود خَا ه و تَن دَخُوي، شَراب خُور و جَنگرِه نَبَشِه و نَه اَمِ دَ پُشتِ فَايِدِه حَرامِ بَگَرْدِه، ۸ بَلَكِه بايد مَهْمُونِواز، خَيْر خَا ه، خِرْدَمَند، عَادِلِ، پَاكِ و خُود دَارِ بَشِه. ۹ اُو اَمچَنانِ بايد كَلامِ رِه که قَابِلِ اِعْتِمادِ و دَ مُطابِقِ تَعليماتِ دُرُستِ اَسْتِه، مَحْكَمِ بَگِيرِه.

دَمزى رَقْمِ اَوْ مِيتَنه دِیْگَر و رِه قَد تَعْلِیْمِ صَحِیْح - و - سَالِمِ تَشْوِیْقِ كُنْه
و مُخَالِفِیْنِ رِه رَدِ كُنْه.

۱۰ چُونِ اَدْمَاىِ سَرَكَش، ایلَه گوی و فَرِیْبِكَارِ كَلْوِیَه، خِصُوصاً از
جُمْلَه پِیْرَوَاىِ خَتَنه. ۱۱ لَازِمَه كِه دَانِ ازوَا بَسْتَه شُنْه، چِرَا كِه اُونَا بَلَدَه
فَايِدَه حِرَامِ اَوْ طَوْر تَعْلِیْمِ مِیْدِیَه كِه نَبَايِدِ دَدَه شُنْه و دَمزى طَرِیْقَه كَلْوِ
خَانَوَادَه هَا رِه تَبَاهِ مُونَه. ۱۲ یكی از پِیْغَمْبَرَاىِ كَرِیْتِی كِه از بَیْنِ
خودونِ شِی بُوْد، كُفْتَه:

”مَرْدُمِ كَرِیْتِ هَمِیْشَه دَر و غُگُوی، جَانَوْرَاىِ دَرِنْدَه و كُورَه دُوسْتَاىِ
ثُمَّبِلِ اَسْتَه.“

۱۳ اِی تَوْرَه حَقِیْقَتِ دَرَه. اَمْزِی خَاطِرِ اُونَا رِه سَخْتِ سَرَزَنْشِ كُو
تَا كِه اِیْمَانِ ازوَا سَالِمِ بَشَه ۱۴ و اُونَا دَ اَوْ سَانَه هَاىِ یَهُودِیِ و دَ
اِحْكَامِ مَرْدُمِی كِه حَقِیْقَتِ رِه رَدِ مُونَه گُوشِ نَدِیَه. ۱۵ بَلَدَه اَدْمَاىِ
پَاكِ هَر چِیْزِ پَاكِ اَسْتَه، مِگَمِ بَلَدَه كَسَاىِ كِه نَجِسِ و بَیْ اِیْمَانِ
اَسْتَه، هِیْچِ چِیْزِ اَمْ پَاكِ نِیْیَه، چُونِ اَمْ فِكْرِ ازوَا فَاْسِدِ اَسْتَه و اَمْ
وَجْدَانِ شِی. ۱۶ اُونَا اِدْعَا مُونَه كِه خُدا رِه مِیْنَخْشَه، مِگَمِ اَعْمَالِ و
كِرْدَارِ ازوَا ثَابِتِ مُونَه كِه اُونَا خُدا رِه اِنْكَارِ مُونَه. اُونَا زِشْتِ و
نَا فَرْمَانِ اَسْتَه و بَلَدَه هِیْچِ عَمَلِ نِیْكِ بَدَرْدِ نَمُوخُورَه.

تَعْلِیْمَاتِ دُرُسْتِ بَلَدَه اِیْمَانْدَارَا

۲ ۱ لِیْكَیْنِ تُو اِیْنِمِی چِیْزِی رِه كِه دَ مُطَابِقِ تَعْلِیْمِ دُرُسْتِ اَسْتَه، یَاْدِ
بِدى: ۲ مَرْدَاىِ پِیْرِ بَايِدِ خُودْدَارِ، سَنْگِیْنِ و خِرْدَمَنْدِ بَشَه و دَ اِیْمَانِ و
مُحَبَّتِ و پَايِدَارِیِ رِفْتَارِ سَالِمِ دَشْتَه بَشَه. ۳ اَمْیِ رَقْمِ خَاْتُونُوىِ پِیْرِ دَ
اِحْتِرَامِ رِفْتَارِ كُنْه، بَدْگُوبِیِ نَكُنْه و مُعْتَادِ شَرَابِ نَبَشَه، بَلَكِه چِیْزَاىِ

ره تعلیم بدیه که خوب-و- نیک آسته،^۴ تا که د خاتونوی جوانتر
 یاد بدیه که اونا شوی و بچکیچای خور ره دوست دشته بشه^۵ و
 خردمند، پاک دامو، مصروف د کارای خانه، مهربو و تابع د
 شویون خو بشه، تا هیچ کس د باره کلام خدا بدگویی نکنه.^۶ امی
 رقم مردای جوان ره نصیحت گو که فکر سالم دشته بشه.^۷ د هر
 چیز خود ره یگ نمونه اعمال نیک جور گو، یعنی د تعلیم خو
 درست و آبرومند بش،^۸ و تورای سالم و بے عیب بگی که قابل
 انتقاد نبشه و شخص مخالف، ازی که بلده بد گفتون مو کدم دلیل
 ندره، شرمنده موشه.

^۹ غلاما باید د هر کار از آربابای خو اطاعت کنه و رضایت ازوا ره
 بدون گفتوگوی حاصل کنه.^{۱۰} اونا باید چیزی ره بلده خو دزی
 نکنه، بلکه کاملاً صادق و درستکار بشه تا تعلیم نجات دهنده مو
 خدا، جلب توجه شه.^{۱۱} چون فیض نجات بخش خدا، بلده پگ
 مردم ظاهر شده.^{۱۲} و اینمی حقیقت مو ره تشویق مونه که بے دینی
 و خاهشات دنیایی ره ایله کنی و د خردمندی، صداقت و
 خداپرستی د ای دنیا زندگی کنی،^{۱۳} و چیم د راه امید پربرت،
 یعنی ظهور پرجلال خدای بزرگ و نجات دهنده مو عیسی مسیح
 بشی.^{۱۴} او خود ره بلده ازمو فدا کد تا که مو ره از هر رقم شرارت
 آزاد کنه. خاهش ازو اینمی بود که مو ره پاک کده بحيث یگ
 ملت خاص قبول کنه که مو کاملاً عاشق نیکوکاری بشی.^{۱۵} ای
 تورا ره د مردم بگی و قد اختیار کامل اونا ره نصیحت کده
 سرزنش-و- اصلاح گو. نه ایل که یگو کس تورا بے اهمیت
 حساب کنه.

۳^۱ دزوا یاد آوری گو که از حکمرانا و مقاماتِ دولتی اطاعتِ کُنه و از آیدِ ازوا شده بلده هر کارِ نیک تیار بشه. ^۲ اونا باید د باره هیچ کس بدگویی نکنه، بلکه از جنجال-و- نزاعِ دوری کده قد هر کس ملایم و نرم رفتار کُنه. ^۳ چون خود مو ام یگ زمان نادو، نافرمو، گمراه و بنده های شهوت و عیاشی ها بودی و روزای خو ره د حسادت و کینه جوئی تیر موکدی. دیگر و از مو بد شی میمد و مو ازوا بد موبردی. ^۴ مگم وختیکه مهربانی و محبتِ خدا، نجات دهنده مو ظاهر شد، ^۵ او مو ره نه از خاطر اعمالِ نیک مو، بلکه بخاطرِ رحمتِ خود خو نجات دد و د وسیله غسلِ تولدِ نو از طریق روح القدس تازه کد. ^۶ خدا امی روح القدس ره توسطِ نجات دهنده مو عیسی مسیح، سخاوتمندانه دز مو بخشید، ^۷ تا که د واسطه فیضِ ازو، عادلِ حسابِ شنی و د امیدِ کاملِ وارثِ زندگی ابدی شنی. ^۸ ای توره کاملاً درست آسته، امزی خاطر از تو میخایم که د باره امزی چیزا حتماً تاکید کُنی تا او کسای که د خدا ایمان آورده، دایم د کارای نیک مصروف بشه. اینمی چیزا بلده مردم خوب و فایدمند آسته. ^۹ از بحث های پوچ، شجره نامه ها، اختلافِ نظر و جنگِ لفظی د باره شریعتِ دوری گو، چرا که ای چیزا بے فایده و باطل آسته.

هدایت های آخری

۱۰ آدمِ نفاق انداز ره یگ یا دو بار نصیحتِ گو و اگه گوش نکد، دیگه دز شی کار ندشته بش، ^{۱۱} چون میدنی که او گمراه شده و خود خو ره د راهِ گناه محکوم مونه. ^{۱۲} وختیکه آرتیماس و یا تیخیکاس ره د دیر از تو ربی مونم، کوششِ گو زودتر د شار

نیکوپولس د پالوی مه بیی، چُون تصمیم گرفتُم که زمستو ره د
اُونجی تیر کُنم. ^{۱۳} د آماده کدون زیناس وکیل و اَپلوس بلده سفر
شی، اونا ره از حد کلو کومک کو، تا که د هیچ چیز مُحْتَاج نَبشه.
^{۱۴} برارو د بین ازمو باید یاد بگیریه که چی رقم خود ره د کارای
نیک مصروف کُنه تا که ضرورت های اولیه ره پوره کُنه و خودون
شی برِ ثمر نَمنه. ^{۱۵} کسای که قد از مه آسته، پگ شی سلام های
خو ره میرسنه. د او کسای که مو ره از خاطر ایمان دوست دره،
دزوا ام سلام برسن. فیض و سلامتی نصیب پگ شمو شنه. آمین.